

19. maj 2014

UPA 2014/160
Saxtorph Didriksen

Nunatsinni inuusuttut inuiaqatigiinni kiffartuusseqataanissaat anguniarlugu minnerunngitsumillu suliffissaaleqisut nunaqarfinni illoqarfinnilu kiffartuusseqataanermi periarfissaqartinneqarnissaat nunattalu iluani kiffartuusseqataanikkut suleqataanissaat anguniarlugu kommuunit peqataatillugit periarfissanik qulaajaanissamik misissuisoqarnissaanik oqallinnissamik siunnersuut.

(Inatsisartunut ilaasortaq Hans Enoksen, Partii Naleraq)

Inatsisartunut ilaasortaq Hans Enoksen Parti Naleraq qujanaq qulaajaanissamik misissuisoqarnissaanik oqallinnissamut siunnersuummik qaqtannut, Siumumiillu imaattumik oqaaseqassuugut.

Siumumiit siullermik erseqqissassavarput inuusuttut Kalaallit Nunaanni sulinerat pillugu nalunaarut qissimigaarneqarnissaa taassumallu atuutsinneqarnera qaangerlugu iliuseqannginnissaq.

Nunarput tamaat isigalugu ullumikkut inuusuttortatsinnut periarfissarititaasut qiviaraanni ilungersunartorujussuarmut killeqqanerput nassuerutigalugu iliuseqarfiginissaanut aqutissiueqatigiinnissatsinnut iliuseqarnissamik piviusumik aammalu sulisoqarnissaanut iliuseqarnissarput pisariaqarpoq.

Tassami qiviagassagut tassatuaapput immikkut aningaasaliinngikkaluarluni aalisarnermi piniarnermilu inuusuttuaqqanut tamassumunnga peqataarusuttunut periarfissat ullumikkut killeqaqisut qangamut pissutsinut naleqqiullugu tamassumap nassatarisaanik inuusuttunik peqataatsitsineq aqutissaalluartut ilagimmassuk aammalu periarfissat ilaat tassaavoq savaateqarfinni sulinermi peqataatsitsinerulerneq aammalu aalisarnermi piniarnermi savaateqartullu susassaqtut kommuunit susassaqtut peqatigalugit.

Siumumiillu oqaatsigissavarput inuusuttunik susasaqarnerulersitsinissamik oqariartuut inuusuttunut pineqartunut oqaaseq tamatigut atorpeqartarnissaa unaasoq "inuttut naligiippugut" taamaattoq nassuiartarnissaa akisussaaffinnik inissisimaneq ilanngullugu nassuiaatigineqartarnissaa kaammattuutigisassagatsigu aamma.

Qujanarporlu Naalakkersuisut akissuteqaatiminni inuusuttunut piareersarfiit aqutigalugit iliuseqarniarnerat taamaattorli Siumumiit kissaatigissavarput siammasissumik inuusuttunut pineqartunut isiginninnissaq.

Siumumiillu taamannak oqaaseqarluta Naalakkersuisut iliuuseriniagaat naammagisi-
maarlugit qilanaaralugillu piviusunngortinniarnerni suleqataanissatsinnut Inatsisartunut
ilaasortaq Hans Enoksen Parti Naleraq oqallissaarutaanut qujavugut.